

由夔府下江陵作

十二巫峯歷歷遊夔門長嘯下荆州朝吟落月我眉積暮對斜  
陽燕尾洲山水蒼茫懷道侶乾坤浩蕩少仙傳不如自跨遼東  
鶴乘輿還鄉省故邱

赤壁懷古

赤壁有數處在嘉魚者乃周郎破曹處也

石壁巉巖壓水隈三分事業此間開龍爭虎鬪今安在月白風  
清我又來滾滾長江淘日夜茫茫戰壘激風雷興酣欲拉坡仙  
嘯吹笛乘舟共往回

為雨為雲最有神莫將塵夢擬真人仙環隱隱從空下一片恩  
膏一片春

道藏輯要

三丰全集

古今詩類

三

續畢集九

川百八

蜀市題

朝隱青城暮入我蜀中來往閱人多眼看白日忙忙去口唱藍  
仙踏踏歌一箇葫蘆無價寶兩川風月安樂窩山林塵市遨遊  
遍到處題詩認得麼

兩湖吟

化作漁翁盪小舟湖南湖北任遨遊酒乾直欲吞雲夢吟罷高  
飛過鄂州萬里遙看吳地月一聲長嘯楚天秋湘濱老叟相逢  
笑手指嘉魚下釣鈎

嘉魚縣名

書懷

心命惶惶亦可憐風燈雨電逼華年不登浪苑終為鬼何處雲